

F. R. 68.

14

Ze  
6740

IMMORTALITATIS  
MONUMENTVM  
VIRO  
CLARISSIMO ET HVMANISSIMO  
IOANNI DAVIDI  
STRAVPITIO

GYMNASII ZITTAVIENSIS SVBRECTORI AC  
SENIORI OPTIME PROMERITO

DIE XI. CALENDAR. MARTII A. R. S. CIO IO CC LX

LABORVM AETATISQVE GRAVITATE ~~CONNECTO~~

CVM

IVSTA FVNEBRIA

DIE CALENDAR. V MARTII

SOLVERENTVR

P. P

GYMNASII COLLEGAE

INTERPRETE

SAMVELE FRIDERICO BVCHERO

GYMNASII CORRECTORE AC SENIORE





Effertur hodie Gymnasii nostri Collega ac Senior, diuinarum humanarumque rerum cognitione praemunitus, et de pube scholastica immortaliter meritis, IO. DAV. STRAÛPITIVS, cuius uitam ad posteros commemorare, aequum censemus, quod lamentabile munus, quo arctius cum ipso, coniunctiusque, per XXXI, et quod excurrit, annos, uiximus, eo accidit luctuosius. Heu quantas fortunas, quanta aduersa, quantas, inter funestas bellorum rabies ac tumultus, aerumnas, quantos misere labores exantlauimus! Triste igitur sui desiderium relinquit, multarumque uirtutum exemplar intuetur, qui hunc hominem, humanis rebus exemptum, nostra ne unquam quidem ab memoria disunctum, intuetur propius. Elucebant in illo pietas, uitae sanctitas, religio, sine quibus cuncta mortalium uita, amplissimo altissimoque loco quantumuis licet posita, illico macrescit. Sua consilia, ab ineunte inde aetate, ad unum Deum referens, omni studio in id iuxta incumbens, magistratui debitos honores ut obsequiose praestaret, eandemque honeste uiuendi dignitatem, et miserae profectionis iucunditate, perquam scite exscriberet, ac doctrinae suos grauitate, pondere, stabilitate confirmaret. Quod quidem insigne muneris scholastici decus ac ornamentum minime mirum tibi debet uideri, cum illustria consecraretur doctissimorum magistrorum nostratis Gymnasii exempla, Christiani VVeisi maxime et Godofredi Hoffmanni, sanctissimi quondam et religiosissimi praeceptoris nostri, qui omnibus in rebus ducem Deum secutus, suam mentem, suas cogitationes, sua consilia, iuuenum ad animos, bonis moribus optimisque disciplinis imbuendos, eosdemque ad humanitatem aequae atque sanctitatem informandos, strenue contulit. Qua de causa nos ter et suorum, uxoris, liberorum, propinquorum utilitates assiduius spectabat, et toto animo de ipsorum commodis ornamentisque cogitabat, id quam maxime laborans, ut omnium rebus commodum consuleret, in eorumdemque felicitate, cum humana, tum aeterna comparanda, totus esset fixus et locatus. Quamquam uero pietas erga Deum et homines tantum continet utilitatis, quantum, haud scio, an ulla res praeterea: Animum tamen suum, ab literarum elegantia ac disciplinarum uenustate, numquam disiunxit, probe gnarus, nihil esse uberius, fructuosius nihil, nihil conducibilius, nihil ad conseruandas res publicas praestantius, quam ingenuarum artium ac scientiarum urbanitates. Ex quo multa doctrinae praesidia, ab linguis orientis et graeciae, in illum sunt profecta, nihil ut de magnificis rerum, quas congeffit, theologiarum apparatus dicamus. Illa quidem eruditionis do-

cumenta e scholis hausit Miri, Schmidii, Ludouici, Olearii, Carpzouii et Starckii, in Academia Lipsiensi, cuius ego rei, defuncti *ἀντιπροσώπων* et aequalis, testis existo oculatus. Praeclare enim tenebat, haec literarum ornamenta theologis admodum esse fructuosa, in explicandis, excutiendisque diuinarum potissime tabularum locis difficillimis, quod, quidem infinitis literatissimorum hominum exemplis luculente comprobari potest. Nam ab reliqua ut discedamus multitudine, Arias Montanus, Conzenius, Budaeus, Chamierius, Seldenus, Lightfootus, Hottingeri, Leufdenius, Bynaecus, Vtringa, Flacius Illyricus, Chemnitii, Gerhardus, Lyseri, VVellerus, Geierus, Tarnouius, Glassius, Schiecardus, Schmidius, Pfeifferus, Carpzouii, Bucherus testantur quam cumulatissime, nihil magis ad res pertinere theologicas illustrandas, quam linguarum orientis et literarum graecarum adiumenta. Florebant, nostro quondam in Gymnasio, uiri literis in graecis non mediocriter uertati, Elias VVeisus, Michael Zigerus, Adam. Erdmann Mirus, quorum in docendi rationem ingressus fidus Achates noster multum nostris scholis commodi attulit. Hoc enim magistro, qui anno iam huius saeculi XXIII. delectus Subrektor, ab Magnifico et Amplissimo Senatu scholae est praefectus, assidue praecunte, primis linguarum fundamentis rite profectis, accommodatius iuuenes in altiores *habetur* literarum gradus euehere potuimus. Equidem non ignoramus, dari, qui omnem doctrinam suo ingenio metiuntur, quibus omnia sordent haec studia. At enim uero literatissimi, per Academias, uiri longe aliter sentiunt. Et sane scholae sunt eiusmodi palaestrae, e quibus omnis generis eruditi proueniunt. Quo circa, inter permultas scientias scholasticas, linguae suam laudem merentur, et Zittauensibus fuit emolumento ac gloriae, omni fere memoria, ex Gymnasio homines, linguarum peritissimos, in Academias, Ecclesias et scholas fuisse traiectas. Cum his literarum ornamentis coniungit Noster antiquitatum, artis criticae et sermonis latini elegantias, aliasque disciplinas fructuosissimas, cuius rei testes locupletes prouoco, nimirum tot in lucem ab ipso emissis programmata, hominesque inprimis literatissimos, quos per annos XXXVII. ad literas ingenuas formauit, apparateque instruxit. Numquam nos tractauit secus, quam existimabamus. Pacis enim atque concordiae amantissimus, ab omnibus contentionibus, dissensione, animorumque dissimilitudinibus, dissidebat longius. Res suas haud indiligenter administrauit, multumque diligentiae, curarum, studii collocauit, in expoliendis perficiendisque iuuenilis aetatis ingenii, ubi doctrinae constantiam, ueritatemque semper, ad docen-

Ze 9740 TK

X 355 9510

V016

di solertiam et perspicentiam, adiecit. At enim exigua est admiratio copiose, sapienter, dilucideque dicentis, qui e scholis VV eissi et Hoffmanni enatus, optimam methodum, docendique rationem insequitur. Infinitis, quae acciderunt, calamitatibus horrorem quidem praemisit, uerum iisdem numquam succubuit, ut potius omnem acrumnarum uim, animi magnitudine, deuinceret. Mors, quae inconsiderate homines rapit, multos ipsi propinquo confecerat, ex qua re saepius iustum cepit dolorem, maxime cum maior natu filius, magnae spei adolescens, praemature, hac ex mortalitate, proficisceretur, contra quos miseriarum morsus facile consolationem inuenit, repetundo altius paulo & uitae humanae et consiliorum diuinorum rationes. Quis erat hominum mortalium iniquiore conditione, deterioreque loco, quam nos omnium miserimi, maxime cum expers calamitatum nemo esset, malorumque incendio flagraret unusquisque. Quid igitur mirum, si nos molestiarum tandem grauitate presfi occumbamus! Patres conscripti tristissimis uexantur et conficiuntur curis. Sacerdotes et magistri nostri iacent in moerore ac fordibus. Ciuibus languet animus. Nihil est, quod lectissimae, honestaeque uidae afferat consolationem. Literatissimus filius, Ictus prudentissimus, summo excruciatu dolore, ut nulla eum res ad acquitatem possit extollere. Nobilissima relicta filia cum propinquo terrorem sustinet grauem, acerbum, cuiusmodi, qui uix ferri possit. Verum enim uero non fati diligenter, ac minus religiose, quam conueniat, nostra tam tristi memoria, uersamur in afflictionibus, acerbissimaque sollicitudine, si subacti miseris contabescamus. Summus rerum architectus et moderator densa in caligine constitutis consulat, atrisque, quae cuneis sese coactis agglomerant, tempestatibus, commoda cum aduolabit hora, finem est impositurus, et tristissimae uidae, concussorumque liberorum causam agit grauissime. Iustus, in Christi merito innixus, non moritur, sed in aeternum uiuit, doctrinae uirtutisque eximios honores tulit, nihil cogitans a dignitate disiunctum. Iam et honore magis, quam antea, floret, amplissimisque abundare coepit aeternae summae felicitatis bonis, quae numquam est intermorigura, sed perstabit in perpetuum, fruiturque gaudiis caelestibus, quae nulla unquam bellorum rabies, nullae unquam exustiones, nullae unquam tempestates interrumpent. Praeit, nos omnes, cum hora ruet, sequemur.

ZITTAUIAE,

Typis IOANNIS GOTTLIBII NICOLAI.

MO



F.R. 68.

14

Z e  
6740

IMMORTALITATIS  
MONUMENTVM  
VIRO

CLARISSIMO ET HUMANISSIMO  
IOANNI DAVIDI  
RAVPITIO

ZITTAVIENSIS SVBRECTORI AC  
SENIORI OPTIME PROMERITO

CALENDAR. MARTII A. R. S. CIO D CC LX

AETATISQVE GRAVITATE CONFECTO

CVM

STA FVNEBRIA

DIE CALENDAR. V MARTII

SOLVERENTVR

P. P

GNASII COLLEGAE

INTERPRETE

ELE FRIDERICO BVCHERO

GYMNASII CORRECTORE AC SENIORE

